



Nezavisna komisija za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije  
i druge mjere koje je izrekao u krivičnom postupku Sud Bosne i Hercegovine,  
strani sudovi za djela predviđena Krivičnim zakonom Bosne i Hercegovine  
ili međunarodnim ugovorom čiji je potpisnik Bosna i Hercegovina  
ili drugi sud u skladu sa zakonom Bosne i Hercegovine

Broj: 05/6-50-15-27-74-3/22

Sarajevo, 21. 3. 2022.

## Z A P I S N I K

**74. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine**

**(u daljnjem tekstu: Nezavisna komisija)**

Sjednica je održana u Sarajevu, 21. 3. 2022, s početkom u 17 sati.

**PRISUTNI ČLANOVI NEZAVISNE KOMISIJE:** Azra Alajbegović, prva zamjenica predsjednika Nezavisne komisije, Brana Spasojević, druga zamjenica predsjednika Nezavisne komisije, Aleksandar Faladžić i Vedad Gurda, članovi Nezavisne komisije.

**OPRAVDANO ODSUTNI ČLANOVI NEZAVISNE KOMISIJE:** Mile Lasić, predsjednik Nezavisne komisije.

**OSTALI PRISUTNI:** Ivana Lovrić, koja obavlja poslove sekretara Nezavisne komisije.

Sjednicom je predsjedavala Azra Alajbegović, prva zamjenica predsjednika Nezavisne komisije. Nakon što je konstatirala da postoji kvorum, otvorila je 74. sjednicu.

Nezavisna komisija jednoglasno je usvojila sljedeći

## **DNEVNI RED**

1. Usvajanje Zapisnika 73. sjednice Nezavisne komisije;
2. Razmatranje predstavke koju je uputilo Vijeće nacionalnih manjina BiH, broj: 05/7-50-17-256/22 od 15. 2. 2022;
3. Razmatranje predstavke zatvorenika Zavoda za izvršenje krivičnih sankcija, pritvora i drugih mjera BiH, broj: 05/6-50-17-349/22 od 4. 3. 2022;
4. Dopis Zavoda za izvršenje krivičnih sankcija, pritvora i drugih mjera BiH, broj: 02-15-1-120-2/22 od 4. 3. 2022, a zaprimljen u Pisarnici Parlamentarne skupštine BiH 7. 3. 2022, broj: 05/6-50-15-27-73/22;
5. Tekuća pitanja:
  - a) Odluka Zajedničke komisije za administrativne poslove Parlamentarne skupštine BiH, broj: 03/5-50-14-11-10,12/22 od 7. 3. 2022,
  - b) Plan aktivnosti za april 2022. godine.

### **Ad. 1. Usvajanje Zapisnika 73. sjednice Nezavisne komisije**

Zapisnik 73. sjednice Nezavisne komisije usvojen je jednoglasno, bez primjedbi.

### **Ad. 2. Razmatranje predstavke koju je uputilo Vijeće nacionalnih manjina BiH, broj: 05/7-50-17-256/22 od 15. 2. 2022.**

U uvodu u ovu tačku dnevnog reda prva zamjenica predsjednika Nezavisne komisije Azra Alajbegović napomenula je da je ovo tijelo od Vijeća nacionalnih manjina BiH zaprimilo predstavku zatvorenika Zavoda za izvršenje krivičnih sankcija, pritvora i drugih mjera BiH na daljnje postupanje, te otvorila raspravu. Nakon rasprave, u kojoj su učestvovali svi prisutni članovi

Nezavisne komisije, jednoglasno je dogovoreno da se predmetna predstavka prosljedi Ministarstvu pravde BiH kao i upravi Zavoda za izvršenje krivičnih sankcija, pritvora i drugih mjera BiH na izjašnjenje, a radi daljnjeg postupanja Nezavisne komisije.

**Ad. 3. Razmatranje predstavke zatvorenika Zavoda za izvršenje krivičnih sankcija, pritvora i drugih mjera BiH, broj: 05/6-50-17-349/22 od 4. 3. 2022.**

U uvodu u ovu tačku dnevnog reda jednoglasno je dogovoreno da se rasprava o tačkama 3. i 4. dnevnog reda objedini jer je riječ o istom zatvoreniku Zavoda za izvršenje krivičnih sankcija, pritvora i drugih mjera BiH, nakon čega je otvorena rasprava. Nakon rasprave, u kojoj su učestvovali svi prisutni članovi Nezavisne komisije, i primanja k znanju dopisa Zavoda u kojem se, na zahtjev Nezavisne komisije, očituju na navode iz predstavke zatvorenika Zavoda, broj: 05/6-50-17-2156/21 od 9. 12. 2021, jednoglasno je dogovoreno da se u narednom periodu posjeti Zavod za izvršenje krivičnih sankcija, pritvora i drugih mjera BiH i obavi razgovor s podnosiocem predstavki.

**Ad. 4. Dopis Zavoda za izvršenje krivičnih sankcija, pritvora i drugih mjera BiH, broj: 02-15-1-120-2/22 od 4. 3. 2022, a zaprimljen u Pisarnici Parlamentarne skupštine BiH 7. 3. 2022, broj: 05/6-50-15-27-73/22**

Kao što je prethodno navedeno, rasprava i odlučivanje o tačkama 3. i 4. dnevnog reda je objedinjena.

**Ad. 5. Tekuća pitanja**

**a) Odluka Zajedničke komisije za administrativne poslove Parlamentarne skupštine BiH, broj: 03/5-50-14-11-10,12/22 od 7. 3. 2022.**

U okviru ove tačke dnevnog reda prva zamjenica predsjednika Nezavisne komisije Azra Alajbegović istakla je da je Zajednička komisija za administrativne poslove Parlamentarne skupštine BiH ovom tijelu dostavila Odluku kojom odobrava Finansijski plan i program Nezavisne komisije za 2022. godinu, broj: 03/5-50-14-11-10,12/22 od 7. 3. 2022.

Odluka je primljena k znanju.

**b) Plan aktivnosti za april 2022. godine**

U okviru ove tačke dnevnog reda članovi Nezavisne komisije dogovorili su da će 11. 4. 2022. obaviti najavljenju posjetu Zavodu za izvršenje krivičnih sankcija, pritvora i drugih mjera BiH u 14 sati.

Također, dogovoreno je da sljedeća sjednica Nezavisne komisije bude održana u Sarajevu, 11. 4. 2022, s početkom u 17 sati.

Prva zamjenica predsjednika Nezavisne komisije Azra Alajbegović zaključila je sjednicu u 17.40 sati.

**SEKRETARKA**  
**NEZAVISNE KOMISIJE**  
Ivana Lovrić

**PREDSJEDNIK**  
**NEZAVISNE KOMISIJE**  
Dr. sc. Mile Lasić